

آبونه شرائطی

ممالك عثمانیه ده سنه لکی (۶۵)،  
آتی آیلنی (۳۵) غروشدرد،  
ممالك اجنبیه ده سنه لکی (۸۰)،  
آتی آیلنی (۴۵) غروشدرد.

اداره خانه

باب عالی جاده سنده دائره مخصوصه

اخطارات

آبونه بدلی پیشینه

مسالکه موافق آثار مع الممنونیه  
قبول اولنور. درج ایدلهین  
یازیلر اعاده اولونماز.

# الکتاب

۱۴ ذی الحجه ۱۳۳۴

دینی، فلسفی، علمی، ادبی هفته لقی مجموعه اسلامیه در.

صاحب و مدیر مسئول  
اشرف ارباب

باش محرر  
محمد عاکف

والله یهدی من یشاء الی صراط مستقیم

اتبعون اهدکم سبیل الرشاد

عدد ۳۵۸

۱۴ ذی الحجه ۱۳۳۴

پنجشنبه

۲۹ ایلول ۱۳۳۲

جلد ۱۸

ادعای حقیقی میدر؟ عجیباً بو آدم دینی حمایتیه، بر حکومت تأسیسه مقتدر میدر؟ صکره کنديسنك انكلزله، يا خود باشقهريله مناسیتی یوفیدر؟ قدرت وسطوتی فرض اولوندینی تقدیرده تلمیم کورمش عسکرلری، فن حربه آشنا ضابطلری زردهدر؟ اسلحه حربه اعماله مخصوص فابریقلری وار میدر؟ انكلزله نهدن طولای کنديسنك بر جوق سلاح، بر جوق ذخیره، بر جوق پاره وریورلر؟ نهدن طولای بو آدم تام جهاد مقدس اعلان ایدیلدیکی ودولتك جهانك اك بو يوك دولتريله مشغول اولدینی بر زمانی انتخاب ایتدی؟ شاید عجزینی بیلورسه ناصیل اولیورده قوت، سطوت، کمال درایت واستقلال کی شروط ایله قائم اولان خلافت اوزانق ایسته یور؟ اگر حقیقه قوت، قدرت صاحبی ایسه نهدن طولای شوغواثل بر طرف اوله رق مسلمانلرک حیاتی محو اولق تهلكه سندن آزاده قالدینی زمانی بکله مدی؟ یحیی مصرده کی حسین کامل بونك امدادینه عسکر کوندریورده هجازک مصره الحاق ایدیلدیکی اعلان ایدیور؟ نه سیدن انكلزله بو آدمک ضعفی، اهمیتسز لکنی بیلدیکی حالد کنديسنك «امیر کبر» عنوانی ویرمک صورتیه مستعمر لرنده کی مسلمانلرک کوزینی بویایور؟ هیچ شبهه یوق که انكلزله بوتون عالم اسلامی تسخیر ایچون هند راجه لری مرتبه سنده برخلیفه یا یق ایسته دکارندن بودسیسه به مراجعت ایتمشدر. هیات، اونه حقیر برخلاقدر که حامیلری وطنی صاتان شبل شمل کی بر ملحدله داود برکات، اسکندر همون، رشید رضا، عزیز علی، ابراهیم نجار کی خیانتلری ثابت بر طاقیم اشخاص اوله ! دنیاده حسینک خلافت ادعای قدر ساخته برشی وارسه اوده بوملحدلرله بو خائنلرک حایه اسلام نامی آلتنده بر جمعیت تشکیل ایدرک مسلمانانی مدافعه ادعاسنده بولوملری در. لکن بوتون بونغمه لر هب انكلزله ایشی در. او انكلزله که مصرده، هندده بوتون حرکات ملیه یی بو غرق ایچون موهوم بر طاقیم حزبلر وجوده کتیر مشدر. حسینک اطرافنده کی طنطنه لره کلنجه بو عینیه جوجقلرینی اوایلایم ایچون بابالری طرفندن قربانلق قویونلرک توپارینی طرادفدن، آلتلرینی فینالادفدن صکره تورکیلرله دولاشدیریلسنه بکزر. پک اعلا بیلیرلر که حیوانجیزی بایرام صباحی کسه رک کوزل کوزل بیه جکلر.

ده یی تلغراف فخریه سی شوسوزار یله امیرک ماهیتی اعلان ایدیور دی: «مطبوعاتک بر قسمی طرفندن هجاز قیامنه دائر سرد اولونان مطالعات، بو قیامک یالکنز بزم عدن و عراق حوالیسندن کی حرکات عسکریه مزه خدمت ایتسی اعتباریه معقول اوله بیلیر. لکن او قدر افراطه کیدیله. ملی در. زیرا امیرکیرک استقلالیه اعلان ایتسی پک مهم برایش دکلدرد. ایشک اک مهم جهتی بو استقلالک محافظه سی در.» ده یی مهیل فخریه سی ایسه: «حکومت طرفندن هجازه امداد کوندریلدیکی زمان حسینک موقی جدأ مشکل اوله جقدر.» دیور.

حقیقت شوندن عسارتدر که بز بوکون حسینک موهوم اولان قوتیه چارپشایورز. بز فرط حرارت کی، صوسزلق کی شدائد طبیعتله

محاربه ایدیورز. مع مافیة عنایت حقله ظفرک قطعاً بزم طرفده قاله جفته امینز. کورم جکیز که بوقته هجاز قطعسه اصابت ایدن مصائبک صوکی وحرکات اصلاحیه نک بدایتی اوله جقدر. مکه امیر لاحق شریف علی حیدر پاشا حضرتلرینک دینه، وطنه نه درجه لرده مربوط بولوندقلری وهردرلو ترقیاتی نه قدر آرزو بویوردقلری هرکسجه معلوم اولدینی ایچون سایه همتلرنده حرمین شریفین ایله بوتون حوالیسی مستعد ومستحق اولدینی ترقیاتی ان شاء الله اکتساب ایده جکدر. جناب حق دینیزی، دولتمزی نصرت وتوفیقات السیه سنه مظهر بویورسون و بوتون جهان اسلامی شرف و مجد قدیمه نائل ایلسون، آمین.

\*\*\*

### «ان تنصروا الله ینصركم...»

عید سعید اضحی مناسبتیه باش قوماندانلق وکالت جلیله سندن بالعموم اردولرله دونمهای هایون و بوظازل عموم قوماندانقلرینه یازیلان تعمیمک صورتیدر:

بوقربان بایرامی ایله ایکنجی محاربه سنه سنی بتیرمش اولویورز. شیمدی به قدر دائماً بزه رهبر نصرت اولان جناب حقک عون وعناقی وتکمیل سلاح آرقداشلمک فوق العاده اقدام وغیرتی ایله دشمنلرمز اوزرینه ایدیان صولتر وکوستریان متانت وهمتلره عثمانی اردوسنک جهانک مسلمی اولان شان جنکاورانه سی برقات ده اعتلا ایتمشدر. عالی وقوسی اولان دینیزک اوامر وایجاباته رعایت وکوستردیکی عزم وثبات دائره سنده صرف غیرت وهمت اولوندقجه بوندن بویله دخی توفیقات السیه نک هر وقت بزه ناصر ومددکار اوله جفته قلباً ایمان واطمئنانم برکالدرد. سوکیلی خلیفه مقدسمن باش قوماندان افخممن پادشاهمز اقدمز حضرتلرینک خشنودی جناب پیغمبری به مقارن اولان رضای شاهانه لرینی آنحق بوطریقده جالشفق صورتیه یرینه کتیره بیه جکدر. شرف فحلول ایدن عید سعید اضحی یی تبریک ایله برابر بومبارک بایرامک بوتون سلاح آرقداشلم حقدنه موجب مسعودیت اولماسنی جناب حقدن تضرع ونیاز ایدر و ایکی جهانده یکانه مدار نجائز اولان دین مینمیزک مقدس وجانبه حسن مراعات ایله ظفر نهائی به مظهریتله عالم اسلامی مسرور و بختیار ایده بیلیمک ایچون آرقداشلمک خدمات وطنیه لرنده کافی السابق ابراز علو همت وغیره دوام ایله مه لرینی طلب وتمنی ایله رم. بو وسیله ایله شیمدی به قدر احراز رتبه علویه شهادت ایله حیات ابدیه به مظهر اولان آرقداشلمزک ارواح مبجله لرینه فاتحه لر اتحافی صورتیه نام محترملرینی یاد ایله مک وجابیدن اولدینق الخطار ایدر ویکی داخل اولدینمز اوچنچی حرب سنه سنده دخی بویوک وشان آور ظفرلره مظهریتیزی جناب حقدن دیلهرم.